



Broj: 02/06-04-20872-8/24
Datum: 01.10.2024. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14, 59/22 i 50/24), sekretar Ureda za zajedničke poslove kantonalnih organa, donosi:

ODLUKU o izboru najpovoljnijeg ponuđača

Član 1.

Prihvata se preporuka Komisije za javnu nabavku iz Zapisnika broj: 02/06-04-20872-7/24 od 25.09.2024. godine u postupku javne nabavke i isporuke toplih i hladnih napitaka i okvirni sporazum će se zaključiti sa ponuđačem „Redex“ d.o.o Banovići, ponuda broj: 194-09/24 od 23.09.2024. godine za ponudenu cijenu od **160.373,84 KM** (bez PDV-a) i rokom isporuke od **1 (jedan) dan**.

Član 2.

Ponuda ponuđača „Bosna-Kom“ d.o.o. Gračanica se odbacuje, jer nije potpuna i ne ispunjava zahtjeve iz tačke 21. tenderske dokumentacije za predmetnu nabavku u smislu odredbe člana 68. stav (4) tačka i) Zakona o javnim nabavkama BiH („Sl. glasnik BiH“ broj: 39/14, 59/22 i 50/24“).

Član 3.

Okvirni sporazum će se dostaviti na potpis izabranom ponuđaču po proteku roka od 15 dana, računajući od dana od kada svi ponuđači budu obaviješteni o izboru.
Okvirni sporazum se zaključuje na period od 24 mjeseca.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka nabavke broj: 02/06-04-20872/24 od 22.08.2024. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija ekonomski najpovoljnija ponuda.

Procijenjena vrijednost javne nabavke bila je 215.549,72 KM (bez PDV-a). Obavještenje o nabavci broj: 1116-1-1-30-3-56/24 objavljeno je na Portalu javnih nabavki 05.09.2024. godine.

Komisija za javnu nabavku imenovana Rješenjem o imenovanju Komisije broj: 02/06-30-21515/24 od 01.07.2024. godine izvršila je otvaranje ponuda dana 25.09.2024.

godine. Nakon izvršenog vrednovanja, Komisija je ugovornom organu dostavila Zapisnik o ocjeni ponuda broj: 02/6-04-20872-7/24 od 30.09.2024. godine, koji ujedno predstavlja preporuku o izboru najpovoljnijeg ponuđača kao i izvještaj o radu komisije, u postupku predmetne javne nabavke.

Iz Zapisnika o ocjeni je utvrđeno da je Komisija za javnu nabavku blagovremeno i pravilno izvršila otvaranje pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda tri (3);
- da su blagovremeno zaprimljene tri (3) ponude;
- da nema neblagovremeno zaprimljenih ponuda;
- da je ponuda ponuđača „Bosna-kom“ d.o.o Gračanica odbačena iz razloga jer je ponuđač „Bosna-kom“ d.o.o Gračanica u svojoj ponudi broj: 40/24 od 20.09.2024. godine nije iskazao broj dana kao rok za isporuku a koji je jedan od podkriterija za dodjelu ugovora.
- Provjerom računske ispravnosti ponuda u skladu sa članom 17. Uputstva za pripremu modela tenderske dokumentacije i ponuda (“Sl. glasnik BiH”, br. 90/14 i 20/15), Komisija je konstatovala računske greške u obrascu za cijenu ponude Anex III kod ponuđača „BIS-BOSFAM“ d.o.o. Tuzla. Od ponuđača je zatraženo prihvatanje ispravki računskih greški što je ponuđač i učinio svojim dopisom br: 09-16/24 od 26.09.2024. godine
- Kada je riječ o ponudi ponuđača „Redex“ d.o.o Banovići, Komisija je prilikom vrednovanja ponuda ustanovila da je cijena ponude ovog ponuđača za nabavku i isporuku toplih i hladnih napitaka po Obavještenju o nabavci broj: 1116-1-1-30-3-56/24 od 05.09.2024. godine neprirodno niska. Od ponuđača je zatraženo detaljno obrazloženje ponuđene cijene u skladu sa članom 66. ZJN, nakon čega je isti svojim dopisom broj: od 30.09.2024.godine, detaljno obrazložio razloge za iskazivanje navedene ukupne cijene ponude, dostavljanjem ulaznih cijena sa prilogom ponuda dobavljača, a koje obrazloženje je Komisija prihvatila.
- Kriterij za dodjelu ugovora bila je ekonomski najpovoljnija ponuda, gdje je su se vrednovali ukupna cijena bez PDV-a i rok isporuke. Shodno ocjeni ponuda sa postavljenim kriterijima, ponude ponuđača: „Redex“ d.o.o. Banovići i „BIS-BOSFAM“ d.o.o Tuzla su prihvatljive i ispunjavaju sve uslove i zahtjeve iz tenderske dokumentacije na osnovu čega je sačinjena rang lista:

Red ni broj	Naziv ponuđača	Ukupna cijena sa popustom bez PDV-a (KM)	Rok isporuke (dani)	Broj bodova na cijenu	Broj bodova na rok	Ukupna broj bodova
1.	„REDEX“ d.o.o. Banovići	160.373,84	(1) jedan	90,00	10	100,00
2.	„BIS-BOSFAM“ d.o.o. Tuzla	203.780,00	(2) dva	70,83	5	75,83

Komisija za javne nabavke je dala preporuku da se okvirni sporazum za nabavku i isporuku toplih i hladnih napitaka zaključi sa ponuđačem „Redex“ d.o.o. Banovići, ponuda broj: 194-09/24 od 23.09.2024. godine za ponuđenu cijenu od 160.373,84 KM (bez PDV-a) i rokom isporuke od (1) jedan dan.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je

ocijenjeno da je Komisija u svemu pravilno postupila te da je izbor najpovoljnijeg ponuđača „Redex“ d.o.o. Banovići izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom, a da je ponuda ponuđača „Bosna-kom“ d.o.o. Gračanica odbačena u skladu sa članom 68. stav (4) tačka i) ZJN.

Ugovorni organ će izvršiti dodjelu okvirnog sporazuma ponuđaču „Redex“ d.o.o. Banovići čija ponuda je ocijenjena kao najpovoljnija u skladu sa kriterijem za dodjelu ugovora – ekonomski najpovoljnija ponuda, te je odlučeno kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba URŽ-u putem ugovornog organa, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



SEKRETAR

Zdenka Marijanović, dipl. pravnik

Dostaviti:

- „REDEX“ d.o.o. Banovići
- „BIS-BOSFAM“ d.o.o. Tuzla
- „Bosna-Kom“ d.o.o. Gračanica
- a/a